

其書而施行焉按顏之推嘗曰北人名字不分合
齊書往往如此然未有舉其字之一字者當時
必爾東樹按前疏引史記孔子字仲尼云云亦
自是冲魚伯魚生汲汲字子思子思子思
也鄭冲者晉書傳云冲與

援鶉堂筆記三

清代学术笔记从刊

70

徐德明 吴平 主编

學苑出版社

徐德明
吴平 主编

清代学术笔记丛刊
70

學苑出版社

顾成章 撰

西崖经说

不分卷

顾成章（《西崖经说》刻于1892年，时俞樾73岁），字咏植，江苏武进人。俞樾弟子。有《论语发疑》。（《论语发疑刻于光绪十七年》）

《西崖经说》不分卷，为其少作，然引证博洽，断论公允，多于细微处发前人所未发。如考《尚书》，其《曰若稽古帝尧》条，认为「曰」发语辞，「若」想像辞，「稽」考求辞，「古」追远辞。「曰若稽古帝尧」，明非当日史臣记矣，当为夏史臣记之，见禹皋益稷篇文。又《鸟兽萇尾》条，孔传：「乳化曰萇，交接曰尾。」《正义》曰：「于时鸟兽皆孕胎卵；萇尾，匹合。」案：《史记》作鸟兽字微。《说文叙》曰：「字者，言萇乳而渐多也。」认为「萇」字是借假字，以《吕览》尾生高注即《论语》微生高；《汉书·古今人表》微生高、微生亩均作尾。尾。微，古通用字。进而阐述「鸟兽萇尾」，言中春之时，胎卵群生尚细微也，若注疏之言，将谓天下之物先乳化而后交接，先怀胎而后成匹矣。不拘泥于文字，更注重句法，以此释经，实优于乾嘉学者。又《陟方乃死》条，案：陟方之方，犹《武成》言以抚方夏多方、告尔四国多方者，陟方乃死，言巡狩四方而死，即《史记》曰「舜南巡守，崩于苍梧之野」是也。《毛诗》《淇奥》条，毛传：「奥，隈也。」《正义》：「视彼淇水隈曲之内。案：淇、奥，二水也。详见《博物记》。」《左传》《楚武王荆尸授师子焉以伐随》条，杜注：「尸，陈也。荆亦楚也。更为楚陈兵之法。扬子《法言》「子者，戟也。然则楚始于此参用戟为陈」。案：师子，楚大夫姓名也，见僖公二十二年。认为楚武王伐随，以荆尸授大夫师子以先行；下文「王遂行」，是为继也。纠正了前人的错误。《孟子》《益烈山泽而焚之》条，赵注：「烈，炽。益视山泽草木炽者而焚之。案：烈，列之假借字。」《说文段注》引郑风「火烈具举」传云「烈，列也」。舜使益掌火，益烈山泽而焚之，言分列其山泽之当焚者与不当焚者，不徒择草木之炽也。若择草木之炽者而焚之，亦易事耳，何庸使益哉？均足资参考。其以「三寿」为「三老」、以京师为公刘始居之地名、「何以舟之」之「舟」即「周」，均与俞樾不谋而合，深得俞氏之赞。

然亦有不妥者。如《尚书》《朋淫于家》条，认为丹朱之家即尧之家，尧之家得以纵其子之妻妾与朋乱乎？不免强词夺理。有光绪十八年（1892）木活字本。

此次影印用光绪十八年木活字本。

西崖經說

壬辰中冬
曲園署檢

經學至本朝而極盛矣聲音訓詁之學古文通段之經音義所說皆已縣之日月昭若發矇生其後者竭其心思之所至以求微言大義之所在學愈昌道愈明矣夫進顧詠植明經自幼嗜學又習聞其鄉先正之說說經具有家法以所著西崖經說問序於余余讀之如以湯放桀為湯封桀引孟子封之也或曰放焉為證其義甚塙又如以三壽為三老以京師為公劉始所居之地名以何以舟之為舟即周字並與愚說合論旨之上膏之下與許悼公瘡別有見解蓋

西崖經說

序

兼通醫學者也此其少作已卓卓可傳異時當必有進於是者吾即於此編徵之也

光緒十有八年十有一月曲園居士俞樾記

西崖經說

武進顧成章

尙書

曰若稽古帝堯

成章謹案曰發語辭也若想像辭也稽考求辭也古迫遠辭也曰若稽古帝堯明非常日之史臣記矣然則孰記之夏之史臣記也何以知之以禹皋益稷篇文見也皋陶薨於禹之前益稷薨於禹之後禹謨皋謨猶曰曰若稽古而益稷篇省之非禹

西崖經說

尙書

皋薨時尙未有史官至益稷薨時而遂有史官乎且左傳引皋陶邁種德敷納以言與其殺不辜等語皆在虞書禹皋謨而左傳云夏書者蓋以虞書爲夏之史臣所記故也

百姓

孔傳百姓百官

成章謹案禹貢錫土姓左傳天子建德因生以賜姓史記黃帝二十五子其得姓者十四人通鑑輯覽陶唐氏八十一載封禹於夏錫姓姒氏封契於

商錫姓子氏封契於郕錫姓姬氏封周岳於呂錫姓姜氏又錫伯益姓嬴氏蓋上古有功德者有姓無功德者無姓古之百姓猶今之巨室世臣也若云百官豈陶唐氏之爲官者皆已賜姓氏乎孔傳之非不待辨而見矣

鳥獸羣尾

孔傳乳化曰羣交接曰尾孔氏穎達正義曰於時鳥獸皆孕胎卵羣尾匹合

成章謹案史記作鳥獸字微說文敘曰字者言羣

西崖經說

尙書

二

乳而羣多也羣字蓋借段字呂覽尾生高注卽論語微生高漢書古今人表微生高微生畝均作尾尾微蓋古通用字鳥獸羣尾言中春之時胎卵羣生尙細微也若注疏之言將謂天下之物先乳化而後交接矣先懷胎而後成匹矣天下安有是理乎釋字義而不解句法經義終不可達矣

申命義叔宅南交平秩南訛做致

孫氏是衍尙書今古文注疏曰鄭曰夏不言曰明都三字摩滅也

成章謹案王肅注夏無明都避敬致其說最是周禮馮相氏冬夏致日春秋致月此敬致二字不言於春秋冬而獨言於夏者蓋舉一隅以互見省文也夏有敬致二字可以躡括春秋冬三時豈春有賜谷秋有味谷冬有幽都不可以躡括一夏之明都乎曰明都三字固不待言而見也猶敬致也鄭注三字摩滅非是

方命

孔傳言鯀性很戾好此方名命正義曰言鯀性

西崖經說

尚書

三

很戾多乖異衆人好此方直之名內有姦回之志命

成章謹案方命逆天命也孟子趙注方猶逆也洪範云鯀陟洪水汨陳其五行帝乃震怒不畀洪範九疇舜倫攸斁此可證鯀之逆天命矣

烝烝乂不格姦

傳曰烝進也言能以至孝和諧頑嚚昏傲使進進以善自治不至於姦惡

成章謹案說文烝火氣上行也爾雅釋訓曰烝烝

作也又曰煇煇烝也以此言之烝烝蓋親炙之意格至也父母及弟皆已親炙其治家修身之道而亦不至於爲姦惡矣烝訓進雖釋詁文然證之於此尙未精塙

女子時

傳曰女妻堯于是以二女妻舜正義曰此已下皆史述堯事非復堯語言女子時謂妻舜于是故傳倒文以曉明堯于是以二女妻舜

成章謹案史述語自釐降句起女子時觀厥刑于

西崖經說

尚書

四

二女猶是堯語不必作倒文解時字亦不必作是字解女子時者堯言其女正及嫁之時也凡時有二禮內則云女子十五而笄二十而嫁有故二十三而嫁尙書大傳云孔子曰男三十而娶女二十而嫁周禮媒氏亦同此皆言嫁之年也毛詩桃夭序云男女以正婚姻以時其詩曰桃之夭夭灼灼其華之子于歸宜其室家衛風云士如歸妻迨冰未泮周禮媒氏中春之月令會男女于是時也奔者不禁此皆言嫁之月日也舜典云舜生三十登

庸舜於此時娶妻適合三十而娶之禮則堯之女不亦在二十之數乎此時也蓋指嫁之年月日言也

象以典刑

傳曰象法也法用常刑用不越法

成章謹案象象作五刑也史記漢文帝本紀詔曰有虞氏之時畫衣冠異章服以爲僂而民不犯晉書刑法志曰五帝畫衣冠而民知禁犯黥者皂其巾犯劓者丹其服犯贖者墨其體犯宮者雜其屨

西崖經說

尙書

五

大辟之罪殊刑之極布其衣裾而無顏緣投之於市與衆棄之當時非無犯刑而不可赦者所謂怙終賊刑是也象以典刑亦象作五刑以爲常用耳孔傳法用常刑非塙詰也

金作贖刑

孔曰金黃金誤而入刑出金以贖罪

成章謹案黃金之說非也貧民犯法焉得有黃金乎說文金五色金也人犯小罪固當赦但恐易赦則易犯故使犯者出金以自贖欲其謹戒不忘耳

後世官家重財有罪者概可納金以贖罪國語齊語曰齊國寡甲兵桓公曰爲之若何管子對曰制重罪贖以犀甲一戟輕罪贖以贖盾一戟小罪謫以金分原其立意與此不同何者彼納金以利官家此納金以戒犯法者也

眚災肆赦

孔傳曰眚過災害肆緩過而有害當緩赦之成章謹案肆與過同史記作眚災過赦是卽罪疑惟輕之義言治小罪者任過於輕不過於重也孔

西崖經說

尙書

大

傳訓緩似未安

咨汝二十有二人

孔傳禹垂益伯夷夔龍六人新命有職四岳十二

牧凡二十二人特勅命之

蔡傳二十二人四岳九官十二牧也

成章謹案蔡傳以四岳爲一人是也國語周語云伯禹念前之非度釐改制量象物天地比類百則儀之于民而度之于羣生共之從孫四嶽佐之高下疏川導滯若孔傳四人豈有一家四人而

能盡任方岳之職乎通鑑輯覽陶唐氏八十一載
封四岳於呂錫姓姜氏若作四人豈得以四人共
封一地共賜一姓乎堯典兩咨四岳舜典一詢四
岳兩咨四岳然則四岳是帝世重臣較禹稷契登
朝尤早若有四人二典中能無一一名稱之乎十
二牧之無名稱者一見於書過峽之辭也原與四
岳之數見者不同四岳一人合九宮十二牧則二
十二人之數定矣

陟方乃死

面崖經說

尚書

七

成章謹案陟方之方猶武成言以撫方夏

傳云四方中夏

多方言告爾四國多方者是記曰天圓而地方故

四方遠方皆謂之方陟方乃死言巡狩四方而死

卽史記云舜南巡守崩於蒼梧之野是也

朋淫於家

孔傳曰羣淫於家妻妾亂

蔡傳曰朋淫者朋比小人而淫亂於家也

成章謹案左莊二十二年傳齊侯使敬仲爲卿辭

使爲工正飲桓公酒樂公曰以火繼之辭曰臣卜

其費未卜其夜不敢君子曰酒以成禮不繼以淫
義也以君成禮弗納於淫仁也杜注夜飲爲淫樂
此罔晝夜額額罔水行舟朋淫於家亦與其朋比
之人夜飲於家耳豈有他哉且臯陶謨曰罔游于
逸罔淫于樂孔傳淫過也正義曰淫者過度之意
此以罔晝夜額額爲淫亦不過是過度之意何彼
此一人之傳而獨以丹朱爲妻妾亂乎推傳者之
意以爲彼則益對禹之辭禹聖人無他疑也此禹
以朱爲戒之辭朱不肖不足道也故望文生訓率

面崖經說

尚書

八

爾言之而豈知朱爲堯子朱之家卽堯之家也堯

之家得以縱其子之妻妾與朋亂乎噫何言之妄

也

惟荒度土功

孔傳曰禹治水過門不入聞啟泣聲不暇子名之

以大治度水土之功故

蔡傳曰荒大也

成章謹案此句之義然後知禹貢自冀州起史臣

紀載之意先帝都重國本也禹治水之時實先由

荒服起荒服河之源也治河源以清其本禹貢曰導河積石此曰惟荒度土功可相證矣

蕭韶九成

孔傳曰備樂九奏

成章謹案白虎通云歌象德舞象功蕭韶九成蓋象九州攸同九山刊旅九川滌源九澤既陂爾

衡漳

孔傳曰漳水橫流入河正義曰衡即古橫字漳水橫流入河故曰橫漳地理志云清漳水出上黨

西康經說

尚書

九

沽縣大邑谷東北至渤海阜城縣入河過郡五行千六百八十里此沽縣因水爲名志又云沽水出壺關志又云濁漳水出長子縣東至鄴縣入清漳鄭元亦云橫漳漳水橫流王肅云衡漳二水名成章謹案衡當作混濁也說文混豐流也一日維流或作渾衡與混同音故作衡漳耳實卽出長子縣之濁漳水也

厥賦惟上上錯

孔傳云賦謂土地所生以供天子上上第一錯雜

也雜出第二之賦

成章謹案孔傳以錯爲雜固是但言雜出第二之賦誤矣田中中而賦收上上本無此理然何以有之以其地之雜賦多也蓋帝都之地人民廣眾田雖中中而以田廬商賈之賦合而爲一則上上矣故謂之錯

九河既道

孔傳曰河水分爲九道在此州界平原以北是成章謹案九河在兗州當河之下流禹之時水勢

西康經說

尚書

十

橫溢下流壅障非一河所能宣洩禹導九河以洩之是時使之然也宋史河渠志載蘇轍疏黃河之性急則通流緩則淤澱既無東西皆急之勢安有兩河並行之理固有此說但與禹之時不同禹之時洪水湯湯天下皆然河勢合之峻迫實甚故恐其一河不能宣洩反致水勢遲緩壅障下流成淤澱之患禹急分九河以導之所以爲功易也

厥賦貞

孔傳貞正也州第九賦正與九州相當

成章謹案盤庚篇其乃貝王說文貝部云古者貨貝而寶龜卜部貞从卜貝會意字然則厥賦貞之貞當取貝義言河之下流前日未治水患最盛今雖已治而取賦之制不取粟米而取貝是欲使其民食有餘而易於生聚也故治之十三年而後復與八州之賦同經文厥賦貞三字本甚簡易孔傳增出州第九之說增會貞訓正之義失之鑿矣

俗賦

孔傳賦谷也

西崖經說

尚書

十一

成章謹案孔傳非是爾雅曰水注谿曰谷水且注谷猶安能植喜燥惡濕之桑麻哉益稷篇濬畎澮距川說文畎水小流是以山川作水道而後達於原隰之田者非若谷之幽深以受水也益山中之谿深者爲谷淺者爲畎谷與畎大同而小異

大野既豬

孔傳曰大野澤名水所停曰豬

成章謹案豬當作渚豬渚古今字說文引爾雅曰小州曰渚召南傳曰渚小洲也水歧成渚大野既

豬言昔口水道壅障望渚渚而莫測今日水既注海則水有歧路而渚渚見矣若孔云水停曰豬則愈停愈塞不將成洪水之汜乎禹之治水更將何日成乎水宜流不宜停人所共知也而況北方沙土尤易於淤澱者耶

震澤

孔傳曰吳南太湖名

成章謹案易大傳曰震東方之卦也太湖爲東方最大之澤故名震爾雅吳越之間有具區郭注今

西崖經說

尚書

十二

吳縣南太湖卽震澤是也

厥土惟塗泥

孔傳曰地泉濕

成章謹案塗泥卑濕之土也禮月令是月也土潤溽暑鄭注潤溽謂塗濕也國語齊語霑體塗足章注塗濡也

三苗不敘

孔傳曰西裔之山已可居三苗之族大有次敘美禹之功

成章謹案舜典竄三苗于三危載在禹作司空之前即在禹治水之前明矣又史記遷三苗於三危以變西戎明禹治三危三苗亦與有力也禹既大敘三危治平之功則三苗之功應亦在大敘內矣故曰三苗丕敘卽後世所謂效力贖罪也

予則孥戮汝

孔傳曰孥子也非但止汝身辱及汝子言恥累也孔疏若不用我命則戮之於社主之前所戮者非但止汝身而已我則并殺汝子以戮辱汝

西崖經說

尙書

三

蔡傳曰孥戮與上戮字同義言若不用命不但戮及汝身將并汝妻子而戮之戰危事也不重其法則無以整肅其衆而使赴功也

成章謹案孔傳言辱及言恥累最是孔疏增出殺字言并殺汝子非但背注夏初之時本無此刑法也蔡傳謂不重其法則無以整肅其衆而使赴功言似有理但帝王立法非圖徼倖立法之後不能保軍中不犯若犯其法果殺之乎抑赦之乎赦之則自背其法也犯者愈多殺之則族人之罪也不

特夏初無其事卽三代安有是理乎禹謨皋陶曰

罰弗及嗣史記文帝詔曰聞有虞氏畫衣冠異章

服以爲僇晉書刑法志曰五帝畫衣冠而民知禁

夏啟之初去有虞氏幾數十載啟又名啟承禹之

道者豈有罪人妻子之理耶且史記秦本紀文公

二十年法初有三族之罪明族之罪自秦始非三

代所有也孥戮汝言并汝之妻子畫衣冠異章服

以辱之與孟子縱耳目之欲以爲父母戮之義同

孫疏云縱其耳目之所慾陷於其罪以辱及父母

西崖經說

尙書

古

其說甚是以彼證此經義明矣

有窮后羿

孔傳曰有窮國名羿諸侯名正義曰襄四年左

傳曰夏之方衰也后羿自鉏遷於窮石故曰有窮

國名窮是諸侯之國羿是其君之名也說文云羿

帝嚳射官賈逵云羿之先祖世爲先王射官故帝

賜羿弓矢使司射淮南子云堯時十日並生使羿

射九日而落之楚辭天問云羿焉彈日烏解羽歸

藏易亦云羿彈十日說文云彈者射也此三者言

雖不經以取信要言帝嘗時有羿堯時亦有羿則羿是善射之號非復人之名字信如彼言則不知羿名爲何也

成章謹案騷經夕歸次於窮石兮朱子因淮南言弱水出於窮石入於流沙故注云窮石山名在張掖閼氏四書釋地駁之非是也山海經云崑崙墟爲墟四方羿與鏨齒戰于壽華之野羿射殺之又曰崑崙之墟八隅之巖赤水之際非仁羿莫能上岡之巖又曰黑水之前有崑崙之邱其下有弱水

西崖經說

尙書

五

之淵環之然則崑崙弱水窮石后羿誠在一處朱子謂窮石在張掖信不差也左傳云昔有夏方衰后羿自鉏遷於窮石蓋羿本射官因其官之名卽爲受封世傳之國名鉏是舊居之地窮石是後遷之地遷之而因號有窮后羿焉如商國名也本都亳自盤庚遷於殷卽謂之殷魏國名也本都河西南惠王遷都大梁亦曰梁惠王梁襄王而其國名則仍是商仍是魏也有窮亦因遷地以稱者實非受封之名也其本受封之名曰羿故歷帝嘗時傳

至堯時復傳至夏后時世世相承其名不易第夏后時以國都遷居窮石故獨號有窮后羿焉餘班瑞於羣后肆觀東后后上古諸侯之總名故禹初封於夏卽位後曰夏后氏稷曰后稷夔曰后夔羿曰后羿以名稱后者夔也以官稱后者稷也以國稱后者夏與羿也

成湯放桀於南巢

正義曰桀奔南巢湯縱而不追故稱放也

成章謹案放桀封桀也曷爲不曰封而曰放曰放

西崖經說

尙書

六

者遠地也與舜之弟象封於有庠孟子曰封之也或曰放焉義同蓋湯伐桀以弔其民爲天下也仁者固不得不然也桀旣敗奔使必屏諸遠方與匹夫等將昔日君臣之恩義安在乎仁者其忍乎故此放當從封義爲是

爰立作相

成章謹案高宗夢得說虛無恍惚之間偶然一見欲畫其形未必能肖即使能肖一旦得之亦未必敢遽立之爲相而高宗不然者是必高宗遁荒野

之時識其人且知其人之賢卽位之後固欲承徵之以爲相惟說隱於版築一時求之不得以致想像成夢若帝有所示之耳所以一夢之後能畫其象以肖其形一旦得之卽用之爲相不疑焉

微子若曰父師若曰

成章謹案若者想像詞也當時未必有微子箕子相對之言但微子一人設爲問答作此痛切之詞耳是爲臣子者不非其君父之義

好草竊姦先

西崖經說

尙書

七

孔傳曰草野竊盜又爲姦宄於內外

成章謹案論語小人之德草逸周書大聚篇云殷政總總若風草孔晁注曰總總亂也然則以殷政之亂比風草草之爲亂物也亦明矣好草竊姦宄謂人心好亂私爲姦宄之事與殷政總總之言亦合孔傳草訓草野未免望文生義

卿士師師非度

孔傳曰六卿典士相師效爲非法 正義曰士訓事

成章謹案師師殷官名也周書梓材篇云我有師師司徒司馬司空尹旅蓋司徒司馬司空卿士也師師加於卿士之上當卽太師少師也此云卿士師師顛倒其辭文之變換爾非度言罔議先王之法度也

若之何其

孔傳如之何其救之

成章謹案之是也與爾雅釋詁曰之子是子也莊子逍遙篇云之人也之德也義同其指紂言也若

西崖經說

尙書

大

之言若是顛躋也何其言吾等將如紂何也不敢明議其君故作此指點之辭爾

農用八政

孔傳農厚也厚用之政乃成 正義曰鄭云農讀爲釀則農是釀意故爲厚也

成章謹案孔鄭之說非也農正字也左昭十七年傳九扈爲九農正扈民無淫者也由此觀之農正有九何況八乎說者庶弗以農爲無八政也

天大雷電以風

成章謹案儀禮鄉射禮篇執弓各以其耦進大射儀篇以耦左還鄭注以猶與也天大雷電以風亦言雷電與風合爾

王若曰孟侯朕其弟小子封

孔傳周公稱成王命順康叔之德命爲孟侯孟長也五侯之長謂方伯使康叔爲之言王使我命其弟封康叔名稱小子明當受教訓
蔡傳上武王也孟長也言爲諸侯之長也封康叔名舊說周公以成王命誥康叔者非是

西崖經說

尙書

九

成章謹案康叔之國卽武庚之舊國也故康誥酒誥梓材俱以作新民爲訓書序言成王旣伐管叔蔡叔以殷餘民封康叔是也蔡傳以王爲武王武王時非武庚之國乎猶何有封衛之地乎但成王時曰孟侯朕其弟小子封此依託周公之辭必新莽時劉歆典文章改之以誣世爾莽稱攝皇帝假皇帝自比周公動引詩書故上有周公初基一節是必莽時益之下稱王若曰孟侯朕其弟小子封是必莽時改之後人斷不可因塗改之亂而并疑

其初封之時也

小民乃惟刑用于天下

孔傳王在德元則小民乃惟用法於天下

成章謹案刑當作行列子大行王屋作大刑王屋行刑占通用字小民乃惟行用于天下言王位在德小民亦行其德而用之於天下矣似較用法意稍長

欲王以小民受天永命

孔傳我欲王用小民受天長命言常有民

西崖經說

尙書

三

成章謹案以猶與也言王與民世世無更變也此處以訓用不若以訓與簡易

朕復子明辟

孔傳周公盡禮致敬言我復還明君之政於子子

成王年二十成人故必歸政而退老

蔡傳曰謂親之爲子

成章謹案稱子稱孺子

在下文

必非周公對君之辭

蓋王莽時改之以增會孺子嬰之稱耳蔡氏云親

之爲子則君臣之分安在乎周公雖叔父而朝廷

之體不應藝狎如是

予乃圖保大相東土

成章謹案爾雅釋詁曰圖繼也保大當作大保

大周公自云繼大保以相東土與召誥惟大保先

周公相宅本序召公既相宅周公往營成周文義

相合

宗周

正義曰宗周即鎬京也禮記祭統衛孔悝之鼎銘

云即宮於宗周彼宗周謂洛邑也是洛邑亦名宗

西崖經說

尚書

圭

周

呂氏曰王者定都天下之所宗也東遷之後定都

于洛則洛亦謂之宗周然則宗周初無定名隨王

者所都而名耳

成章謹案宗周有周之宗廟在也成王之時宗廟

在鎬京征伐之後獻俘獻馘當在宗廟是以知宗

周即鎬京也至東遷之後王在東都周之宗廟必

遷於東矣故亦曰宗周似較天下所宗之義為塢

西崖經說

武進顧成章

毛詩

維鳩方之

傳曰方有之也

成章謹案小雅既方既皐鄭箋方房也明方本有

房之訓也尚書大傳作汝鳩汝方與竹書紀年同

史記殷本紀作汝鳩汝房房又是方之段借字也

維鳩方之言鳩居鵲之巢以為房爾

西崖經說

毛詩

十

淇奧

毛傳奧隈也正義曰視彼淇水隈曲之內

成章謹案淇奧二水名博物記云奧水流入淇水

有綠竹草由此言之奧固淇之源也泉水篇云瑟

彼泉水亦流於淇曰亦流

公羊昭十七年傳注明曰亦兩相須之意

流於淇者有奧水復有泉水也傳以奧為隈非塢

說也

王

成章謹案二南之下王之上係鄘鄘衛以其詩西

周之時多也九國列於王之下以其詩東周之時多也王以下之圻於南亦猶鵲以下之圻於幽六月以下之圻於小雅民勞以下之圻於大雅非以王等於列國也是圻於南也邶鄘衛之所以先大土爲其西周之詩多也王之次於邶鄘衛爲其東周之詩故以之冠九國也

又案左傳季子論樂於鄭齊之下列幽反覆思之二南以下列邶鄘衛爲殷之舊都也次列王爲東周之都也鄭先齊爲東遷之後惟鄭是依也圻於

西崖經說

毛詩

二

南者於此終矣幽周之先也次及秦爲周之岐豐地也次及魏爲唐帝之舊都也次及陳爲虞之後也次及檜爲高辛氏後裔之墟也次及曹爲宋所滅宋殷後也故次之此皆舊國是以圻於幽之下也今之篇次疑有錯矣或謂宋之滅曹已在春秋之終似不能以曹爲宋然宋爲殷後上公之國列於中夏夫子又宋之後其獨能無詩乎商頌是商之頌非宋之詩也宋不錄詩故以曹及之

宋見君子寺人之令

毛傳寺人內小臣也箋云欲見國君者必先令寺人使傳告之時秦仲又始有此臣

成章謹案夫子錄秦詩以車鄰爲首世道之變蓋見於此矣錄其興卽以知其亡也有車鄰鄰有馬白顛言其驕也未見君子言其不用賢也寺人之令言以寺人出納其君令也後秦之亡中車府令趙高僞詔誅扶蘇立胡亥以致秦亡夫子有以見之故錄此詩爲秦之首篇

王事靡盬

西崖經說

毛詩

三

傳曰盬不堅固也

成章謹案盬苦也苦當轉訓息左傳郇瑕氏之地沃饒而近鹽服虔注云鹽鹽池也土俗裂水沃麻分灌川野畦水耗竭土自成鹽卽所謂鹹鹺也而味苦號曰鹽田爾雅釋言曰鹵矜鹹苦也以此言之鹽固有苦之義明矣釋詁苦訓息釋言靡訓無王事靡盬直言王事無息也傳訓不堅固似無此簡易

方叔泣止